

號之已崇恐朝封之未稱今陛下儲思道妙邁德帝先仰承列聖之心爰陞名山之祀既為民而請福乃即事以表功煥爛發書發揚至貺謂聖者彰九德之既備曰祐者顯萬生以蒙慈彩鸞銜勅以來儀白鶴翔空而下覽人天欣懌山嶽輝榮恭陟靈峰敷陳君命所祈福利仰奉明朝伏願陛下寶曆延洪籙圖纂慶千戈永戢時臻於變之風稼穡豐登民被華胥之樂而後修真至士奉道高賢咸躋上善之因共享長生之福臣無任激切之至謹稽首再拜謹言

二峰祝文

同前至恭惟

定錄右禁至道冲靜德祐真君挺資冲漠備德神靈受命紫素之文留治清虛之府管絃流響身逸宴於洞臺風雨以時澤既霑於民物中監上仙之任右禁有為之功雖天號之已崇恐朝封之未稱今皇帝儲思道妙邁德帝先仰承列聖之心爰陞名山之祀既為民而請福乃即事以表功煥爛發書發揚至貺

彰明德之旁溢顯靈祐之外聞彰鸞銜勅以來儀白鶴翔空而下鑒天人欣懌山嶽輝榮恭陟靈峰敷陳君命同前

三峰祝文

同前至恭惟

三官保命微妙冲慧仁祐真君標才明穎挺業該清典歲錄於玉漿爰受封於金闕道著萬物仁者懷文誠斷六天位尊保命書共膺於紫素治兼莅於良常雖仙號之已崇恐朝封之未稱今皇帝儲思道妙邁德帝先仰承列聖之心爰陞名山之祀既為民而請福乃即事以表功煥爛發書發揚至貺具舉崇真之禮克彰隲祉之靈內法既融外教以平皆仁之至暴害不行蒼生蒙潤非祐而何迺白鶴之翔空受彩鸞之獻勅天人欣懌同前

三茅真君加封事典卷上

三茅真君加封事典卷下
進封三茅真君聖號慶禮醮科儀
致三

儀式如帝至啓聖

臣聞天祐皇家保萬邦之黎獻國崇典禮備羣望之山川靡神不宗諸福畢至瞻真仙之治所聳句曲之名峯華館芝庭素嚴於祀事聽輪欽駕時格於靈符茲逢明聖之朝具舉緝熙之典肆頒綸詔式進徽稱勅太上以消辰命有司而具禮玉蘭清潤佇笙鶴之凌空洞草晶輝迺蕭鸞之簇仗臣等欽承宸命祇告真靈齋意青詞謹當宣奏

宣詞

請陳詞旨備見至懷淵聽至聽必蒙鑒省臣聞陰德萬生溫密靜神於玉室躬備九德輝華刻簡於丹瓊繡羽斑與浮空躡景綠桂紫御封山召雲因下戲於赤城時按臨於玉洞聖主仰天心之愛宴私披地肺之圖爰舉徽章式褒顯蹟備成熙事嘉薦芬芳明德惟馨至誠不息以今某朝行道請法衆等運茲初檢上香願此香煙騰空供養

太元妙道冲虛聖祐真應真君東嶽上卿司命神君太元府得道高真願以是道力上祝皇帝聖壽無疆伏願真存臨格昭鑒居歆瑞應流光允副九天之眷履洪蹟祉永言萬壽之期致嘉靖於四方俾交欣於百樂

聞金光藏景同游浩洞之天紫素教文以表神明之德載揚顯冊益薦崇稱被靈宇以伸宸集仙僚而交慶以今某朝行道請法泉等運茲二檢上香願此香煙騰空供奉

定錄右禁至道冲靜德祐妙應真君定錄府得道高仙願以是道力上祝皇后伏願功銘鐘鼎德邁河沙益隆不枝之丕基永保無疆之大曆神祇祖考來燕以來寧社稷宗祧以安而以永椒房福慶儀形萬邦玉葉蕃昌本支百世

巨聞總括崇宗任上府神宮之遠掌封金錄檀龍芝洞草之珍仁懷其文勇攝其武九陛飭褒崇之典羣心懷慶懺之誠敬爾蘭場恭陳藻供以今某朝行道請法泉等運茲三檢上香願此香煙騰空供奉

三官保命微妙冲慈仁祐神應真君保命府得道真仙願以是道力導迎景既敷錫庶民兵病不登兩陽時若三光全而寒暑節五穀熟而草木蕃育萬物以皆昌無一夫之失所吉無不利動則皆成

大謝

等樓身福地被教真仙窺瓊笈之秘文典玉郎之上道恭恭祈禱仰賴感通誤膺世爵之頒敢負師恩之重恭承明詔馳進慶書輒膺慶贊之誠丕闡靈承之義庶伸忱悃上答

嘉休今皇帝俯眷名山仰崇真祐綸温六字煥美號以增隆勅賁三峯需御爐之清履式嚴縉禮祇薦鴻名情見乎辭儀多在物巨等奉宣密旨延款高真必冀鑒歆式符願望壽齊箕翼澤被華夷六官交夢於熊羆四鄙蕩

平於蛇豕勾奴歎塞無煩漢使之通多士在庭重見周官之威社稷衍靈長之慶春秋書大有之年旁及飛潛俱全性命上以表三真之慈憫下以副皇帝之虔誠謹啓以聞

十二願 復爐如常儀

慶禮設醮儀

衛靈呪 發爐如常式出官

謹出巨身中如常同心上啓
三君聖位 臣以宿命因緣叨行教法告盟之日約以行持誓當敷贊真風振揚大化永扶

國作善為生靈凡有所祈理宜關奏 臣今謹為皇帝宣揚密旨昭告嘉封祇陳慶懺之儀用集履洪之福以今拜上青詞一通伏乞功曾使者特為開啓速得上達 云云 以聞

各稱法位

具位 巨 其等上啓

三君洞天列聖 巨聞九德功高太帝冊加於九錫三官任重真皇經受於三元道始師於總真錄畢傳於西母由無心於人爵乃證位於仙都淫室瓊房治統於赤城玉洞鳳陔丹

紫宴集於句曲金壇佩鬱儀結璘之章得服日餐華之術化行江左福被吳邦天市風清時奏空中之仙曲洞庭浪闊路連地內之陰官青童遺颺馭之蹤白鶴現軒翔之相以符法驅千妖之氣以神化順百姓之心嘗聞應

跡於人間未始離神於天上有情斯感無願
不從今皇帝冥運一心遙瞻三秀式際休明
之運緬懷道德之仙肇舉鴻儀丕陳顯冊蹟
冲虛靜慧之美進聖德仁祐之稱宸命自天
勅書照隴增群峯之煥耀新萬目之觀瞻載
潔靈場對揚君命輒伸虔懺恭薦芬馨香臬
名峯合駕筮而共奏章吟空洞延鶴馭以來
臨臣無任激切之至再拜奏請

請聖 初獻

臣聞天人異世由兩儀四象之分兄弟齊仙
實千載一時之契友愛備書於蔡笈靈蹤未
泯於華陽奕世欽崇皇朝禮敬恭惟
祖師三茅司命聖德仁祐真君挺質冲漠抗
志清虛古昔誦謠早驗嘉平之臚後先飛舉
率由句曲之山仙賓師友定約以按行其越
人民悉歸於考校歲以艷陽之月馳乘汗漫
之游左玉佩右金鑄擁八鸞於霄漢西峨眉
東林屋現三鶴於峯頭不惟專禍福之權亦
乃運吉凶之柄安人利物保國寧家道化潛
行功成不宰今皇帝儲精道妙邁德帝先每

思綏靖之艱虔奉真靈之造既密叨於護佑
宜克盡於欽崇九陛頌息三峯稱慶用報輔
時之德載祈保固之祥爰肅清壇昭陳緝禮
均霑王化幸處名山仰邀洞府之真符對
揚天子之休命願垂鑒焉俯納虔祈設醮青
詞謹當宣奏

宣詞

具如詞旨備列丹忱諒微淵冲必垂鑒映
聞聖人無跡或降跡於塵寰大道難名豈沽
名於聖世今皇帝躬行慈儉遠達聰明追還
清淨之風崇厚澆漓之俗欽仙真之佳蹟舉
希闕之盛儀乃眷三君闡靈千古瑞應皇朝
之四帝潤露江左之羣元爰錫徽章崇加顯
號更願不忘本始俯察宸懷申命崑臺降神
仙嶽庶資衆妙用格多男衍玉葉之蕃昌保
瑤圖之綿久永依大道克著洪猷等無任
激切之至

亞獻

臣聞神仙可學宿名定著於玄圖兄弟同昇
篤志多成於善行乃眷天人之美並登帝所

之真載籍以來標題尤顯切仰三君之德森
然萬世之芳道在邦家惠流民物夜炳丹光
而旦燭春聯鶴馭以來歸奉師而相與遨遊
好道者當與料理山川如故天地無窮今皇
帝宏感真休聿修報典雙鸞飛彩傳芝檢於

瑤階羣鶴翔空迺綸音於玉洞道俗歡呼而
載路典儀抵薦於褒名庶期冲鑒之臨永修
善禧之錫等奉宣齋命仰贊仙猷洞啓瓊
琳敢冀於刀圭繡羽仰旋於霄馭獻奇祥
於有地錫聖壽以齊天洪澤萬生皇國億載
五風十雨不破塊以鳴條四海九州悉包茅
而貢匪椒掖報得男之喜榆防奏卻虜之勲
年般豐登黔黎怡泰然冀名山肅靜真教流
傳化魔俗以革心俾學徒之進道飛潛遂性
動植昭蘇一切有情俱乘妙蔭等無任激
切懇禱之至

終獻

臣等祗迓宸綸玉揚徽號敷陳典禮延欽仙
真荷列聖之居歆副羣情之舒慶今則燈銷

蘭煇香散芳雲遶仙仗之言旋望靈光而順
拜欽承鴻貺仰戀鸞與巨等無任攀戀望恩
之至謹稽首再拜奉送

送聖 內官復爐 常儀
慶禮設醮儀終

皇帝設醮青詞

伏以聖人無迹馳遊八極之虛大道難名虛
切羣心之慕允賴神靈之祐宜輝昭報之文
肆舉徽章載加緝禮用恪伸於慶懺析未介
於休祥善利所加既錫慈元之福純禧來被
更延景曆之昌

內省張都知醮詞

伏以已峰山記云山形似已字列時儼仙聖
之真風三號雖殊煥熙辰之盛典初屬禮成
之慶敢伸妙供之修仰奉明朝敬宣封冊伏
願高仙昭格洞鑒冥扶萬壽無疆祐帝國之
廣大三時不害永民物之阜安

崇禧觀醮詞

伏以玉音垂誥錫三號以褒真金籙崇禧領
諸峯而祝聖恭承恩命仰贊仙符微臣幸際

明朝忝司教鑰觀一時之得典煥千古之靈
蹤乃聖乃神兼被德仁之祐卜年卜世永綿
統緒之祥謹頌慶頌之誠聊效精修之供洞
天香速加稱萬歲之聲遠境風清數作羣生
之福

奏謝加封 祖師真君恩禮表

臣等言恭蒙聖恩加封三茅真君聖號頒
降吉勅三道宣賜如意玉圭威儀錦幡沉香
腦子新茶銀兩令臣設醮慶賀臣已仰遵聖
訓率勵法流編告三峯昭陳醮禮發揚君命
祈佑嘉生者臣伏以福地凝嚴會四海華封
之祝宸綸渙龍術三君徽號之崇道俗歡迎
神人感懌臣中謝切惟山留玉洞之治府內
有金壇之虛臺鶴馭來遊歲校華陽之籍天
皇授命董同吳越之疆道葉仙枝流芳千載
靈源真系被眷景朝祇荷殊恩載揚爵典即
冲虛靜慧之美進聖德仁祐之稱彰語臨峯
夜雨澄清於巖谷迎與戒道朝晴映曜於旌
幢瑞霽祥煙徊翔鶴袂元圭如意敷露鴻儀
熙事告功飄御爐之清馥羽流交賀沐上賜

之榮光瞻視一新邇遐胥慶茲蓋伏遇陛下
明德陞祀以道化民爰申錫於褒章用益昭
於敬事人悅則神罔不宥物備故禮得以成
篤眷之恩山林多幸曠絕之澤草木俱霑加
責已宏全福自至肅將王命揭起仙庭祝

聖壽於無疆慶單寰宇感真人之應禱輝履
前星臣無任感天荷聖激切屏營之至實
惶實懼頓首頓首謹具表奏謝以聞
淳祐九年六月日

繳狀

具位

四月二十一日恭準 公文備奉

聖旨宣諭降賜到加封真君誥命三道宣
賜如意玉圭錦幡威儀沉香腦子新茶銀
兩令師坦擇日設醮昭告者

右師坦謹已恭遵聖訓逐一交領前件告命
宣賜寶器物件開集闔山道俗出山恭迎望
闕謝恩編詣三峯敷揚君命以次擇日設醮
昭告天地仙真事竟謹置典冊具載儀禮節
次及將告命分責三峯宣揚寶器交付山門

道正司崇禧觀永鎮名山仰延齋算今取到
崇禧觀開具交管版冊一本三峯交領誥命
寶牒狀三本具表繳進伏乞台慈特為開奏
伏候台旨

淳祐九年六月 日具位司徒師坦狀

進加封告碑表

臣師坦言伏以三封加勅輝華句曲之山萬
古不磨琢刻崑崗之玉路文龜而擁護聚羽
鶴以觀瞻遙闕歸恩溥天知敬臣中謝切謂
仙真之異固母俟於表光功德於人有不容
於泯晦空現五雲而漢詔具在帝齋九錫而
晉碑尚存自歷代以來蒙被眷渥今千載而
下幸逢聖時幸闡褒章載崇顯號用侈靈祇
之報倍為至教之榮謹鑲諸石以惟深期與
此山而不朽茲蓋伏遇陛下德充濬哲心照
危微飲函三於太和撫萬宇而無外日行其
道坐凝百志之熙民莫能名躬致九功之叙
不矜已治思答神休時加雨露之私頓覺煙
霞之重臣去天易久承命惟新爰鏤堅珉永
作羣峰之鎮篆成徽御敢祈乙覽之垂臣謹

奉表繳進以聞冒瀆宸嚴下情無任激切之
至謹稽首頓首謹言

淳祐九年十二月 日具位司徒師坦上

三茅真君加封事典卷下終

正一天師清微弟子 洪百堅 製作

道教學術資訊網站

金蓮正宗記序

致四

道無終始教有後先或曰道與教不同且白
不同湛寂真常道也傳法度人教也道之為
體雖經無數劫未嘗少變教之為用有時而
廢有時而興或曰教之興也自何而始曰軒
轅黃帝鑄鼎之後乘火龍而飛升太虛然後
知有長生久視之說雖有其說知而行之者
七十二人而已下逮殷王武丁之世老君示
現於瀨陽東臨魏闕西度流沙演化者九百
九十六歲乃跨白鹿昇蒼檜超碧落遊京
雖有如此顯異而人猶顛頑而未信向也
及漢天師張靜應之出世也親受正一法錄
戰鬼獄而為福庭度道士而為祭酒其教甚
盛化行四海繼之以寇具杜萊祛妖讖並集
福讓安佐國牧民代天行化歷數十世官顯
如林帝王崇奉及正和之後林天師屢示神
變天子信向法教方興而性命之說猶為泥
滯而未之究也及炎宋之訖錄挺生重陽再
弘法教專為性命之說普化三州同歸五會
以金蓮居其首東遊海上度者七人以柔弱